



ԱՐՏԱՔԻՆ ԳՆԱՀԱՏՈՒՄ

9-ՐԴ ԴԱՍԱՐԱՆ

ՀԱՅՈՑ ԼԵԶՈՒ

ԹԵՍՏ 1

Մարզ /տարածաշրջան

Դպրոց Դասարան

Աշակերտ /ուհի /

/ազգանուն, անուն, հայրանուն/

Կարդա՛ տեքստը և կատարի՛ր առաջադրանքները:

I

1. Մի փոքրիկ աղջիկ նստած էր նրբանցքում՝ կիսավեր պատի վրա՝ հնամաշ կարպետով փաթաթված:

2. - Եղևնի՛, եղևնի՛, Նոր տարվա համար,- կանչում էր նա:

3. Բայց չգիտես ինչու դուրս չէր գալիս փողոց, ուր հեշտությամբ եղևնու համար հաճախորդ կգտներ: 4. Այլ նստել էր նրբանցքում, ուր անցորդները շատ քիչ էին: 5. Եղանակը ցուրտ ու չոր էր, գետինը պնդացել էր, չնայած դեռ ձյուն չէր եկել: 6. Մի քանի օր շարունակ համառությամբ երկինքը փակած միաձույլ ամպերից քամին դժվարությամբ մանր փաթիլներ էր պոկում:

II

1. - Հապա ցո՛ւյց տուր եղևնիդ,- ասացի ես:

2. Նա շրջվեց բակի կողմը և ասաց.

- Ա՛յ, սա է:

3. - Բայց այդ ի՞նչ է, դեռ կտրված չէ՞:

4. - Ո՛չ, ես հիմա կկտրեմ, եթե Դուք իմ ուզած գումարը տաք:

5. Ես համաձայնեցի: 6. Նա գնաց բակի խորքի տնակը և վերադարձավ՝ մի սղոց ձեռքին, որը չափազանց ժանգոտ էր հավանաբար խոնավ նկուղում երկար մնալու պատճառով:

III

1. Ապա մի աղերսող հայացք զցելով վրաս՝ ասաց.

- Գիտե՞ք, հայրս է տնկել այս եղևնին. նրա հիշատակն է: 2. Ա՛յ, այսքան փոքր էր՝ մատիս չափ, երբ հայրս տնկեց, իսկ հիմա տեսե՛ք, թե որքան է մեծացել:

3. Նրա հյուծված ու ցրտից կապտած դեմքը փայլեց: 4. Դա երջանկության այնպիսի սրտառուչ և նուրբ արտահայտություն էր, որ ավելի տխրեցնում էր դիտողին, քան ուրախացնում:

IV

1. - Ավելի լավ է, թող մնա,- ասացի ես, մի՛ կտրիր հորդ հիշատակը:

2. - Ինչպես ուզում եք,- ասաց նա՝ երախտագիտության մի հայացք նետելով ինձ: 3. Ապա նորից բարձրացավ կիսավեր պատին ու փաթաթվեց կարպետի մեջ:

4. Հիմա նրա դեմքը նորից խաղաղ էր: 5. Երբ ես մի փոքր հեռացել էի, լսեցի նրա մանկական ձայնը.

- Եղևնի՛, եղևնի՛, Նոր տարվա համար...

6. Նա մի դաժան գնորդ էր փնտրում:

7 Ո՞ր բառը անական չէ:

- 1) կիսավեր
- 2) հնամաշ
- 3) շարունակ
- 4) ժանգոտ

8 Նախադասության անդամներից որի՞ ձևաբանական վերլուծության մեջ սխալ կա:

Այ, այսքան փոքր էր՝ մատիս չափ, երբ հայրս տնկեց, իսկ հիմա, տեսե՞ք, թե որքան է մեծացել:

- 1) **տնկեց** – 3-րդ դեմքի բայ, անցյալ կատարյալ
- 2) **հիմա** – ժամանակի մակբայ
- 3) **որքան** – հարցական դերանուն
- 4) **մատիս** – ցուցական հոդով գոյական

9 Ո՞ր նախադասությունն է կազմությամբ պարզ:

- 1) I. 1
- 2) I. 3
- 3) II. 4
- 4) IV. 3

10 Նախադասության անդամներից որի՞ շարահյուսական վերլուծության մեջ սխալ չկա:

Մի քանի օր շարունակ համառությամբ երկինքը փակած միաձույլ ամպերից քամին դժվարությամբ մանր փաթիլներ էր պոկում:

- 1) **քամին** – ենթակա
- 2) **մի քանի** – չափի պարագա
- 3) **փակած** – պարզ ստորոգյալ
- 4) **համառությամբ** – միջոցի անուղղակի խնդիր

11 III հատվածից դու՞րս գրիր **հուզիչ** բառի հոմանիշը:

Պատասխան՝

12 Տեքստից դու՞րս գրիր մեկ բարդաձանցավոր բառ:

Պատասխան՝

13 IV հատվածից դու՞րս գրիր արգելական հրամայականով դրված բայը:

Պատասխան՝

14 I հատվածից դու՞րս գրիր մեկ շաղկապ:

Պատասխան՝

15 Քանի՞ բաղադրիչ պարզ նախադասությունից է կազմված I.5 բարդ նախադասությունը:

Պատասխան՝

16 Գրի՛ր IV. 5 նախադասության **ճայնք** բառի պաշտոնը:

Պատասխան՝

17 IV. 2 նախադասության մեջ **նա** բառից հետո ինչո՞ւ է բոլոր դրվել:

Պատասխան՝